

Na osnovu člana 9. Zakona o federalnim ministarstvima i drugim tijelima federalne uprave ("Službene novine Federacije BiH", br. 19/03, 38/05, 2/06 i 8/06), odredaba Odluke o usvajanju Programa utroška sredstava utvrđenih u razdjelu 17. Budžeta Federacije Bosne i Hercegovine za 2018. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije privatnim preduzećima i poduzetnicima“, („Službene novine Federacije BiH", broj 23/18), Federalno ministarstvo energije, rudarstva i industrije o b j a v l j u j e

**PONOVLJENI JAVNI POZIV
ZA KANDIDOVANJE PROGRAMA UTROŠKA SREDSTAVA UTVRĐENIH U
RAZDJELU 17. BUDŽETA FEDERACIJE BOSNE I HERCEGOVINE ZA 2018.
GODINU FEDERALNOM MINISTARSTVU ENERGIJE, RUDARSTVA I
INDUSTRIJE „TEKUĆI TRANSFERI I DRUGI TEKUĆI RASHODI – SUBVENCije
PRIVATNIM PREDUZEĆIMA I PODUZETNICIMA“**

I. PREDMET PONOVLJENOG POZIVA

Predmet ponovljenog poziva je prikupljanje zahtjeva za odabir korisnika sredstava, u skladu sa Programom utroška dijela sredstava utvrđenih u razdjelu 17. Budžeta Federacije Bosne i Hercegovine za 2018. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije privatnim preduzećima i poduzetnicima“ (u daljem tekstu: Program), („Službene novine Federacije BiH", broj 23/18).

II. PRAVO UČEŠĆA

Pravo učešća na ponovljeni Javni poziv imaju sva privatna preduzeća, kao i privatna preduzeća u poteškoćama ili stečaju sa sjedištem u Federaciji Bosne i Hercegovine, čija je osnovna djelatnost vezana za sljedeće sektore industrijske proizvodnje:

- Metalna, elektro i automobilska industrija,
- Industrija građevinskog materijala,
- Drvena, papirna i grafička industrija,
- Proizvodnja tekstila, kože i obuće,
- Hemijska industrija i industrija gume i plastike,

te da zapošljavaju najmanje 15 zaposlenika.

Privatna preduzeća kojima su dodijeljena sredstva Odlukom Vlade Federacije Bosne i Hercegovine o izboru korisnika dijela sredstava utvrđenih u razdjelu 17. Budžeta Federacije Bosne i Hercegovine za 2018. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije privatnim preduzećima i poduzetnicima“, („Službene novine Federacije BiH", broj 84/18), ne mogu aplicirati za dodjelu preostalih sredstava po ponovljenom Javnom pozivu.

III. SVRHA DODJELE GRANT SREDSTAVA

Dodjela sredstava odnosi se na finansiranje neizmirenih obaveza preduzeća samo po osnovu doprinosa za PIO/MIO, zaposlenicima koji ostvaruju uslove za penzionisanje do dana podnošenja zahtjeva Federalnom ministarstvu energije, rudarstva i industrije po Programu.

Dodjeljena sredstva su grant sredstva. Sredstva se dodjeljuju u cilju rješavanja socijalnog statusa zaposlenika, kroz penzionisanje.

IV. KRITERIJI ZA IZBOR KORISNIKA

Korisnici grant sredstava po ponovljenom Javnom pozivu su privatna preduzeća (preduzeća koja su u sudski registar upisana kao privredno društvo u kojem privatno/a lice/a ima/ju udio u vlasništvu u iznosu, najmanje 50% plus jedna dionica) u poteškoćama ili u stečaju sa sjedištem u Federaciji Bosne i Hercegovine čija je primarna djelatnost definisana djelatnostima proizvodnje u sektorima navedenim u tački 2. ponovljenog Javnog poziva, te da zapošljavaju najmanje 15 zaposlenika, ukoliko se preduzeće ne nalazi u stečaju.

U cilju objektivnog ocjenjivanja, Komisija za selekciju će dodatno razraditi sljedeće posebne kriterije za izbor korisnika:

1. Broj radnika koji će ponovljenim Javnim pozivom i Programom biti penzionisani;
2. Broj zaposlenih u preduzeću;
3. Pri izboru korisnika, vodiće se računa o ravnomjernoj zastupljenosti korisnika s cijelog područja Federacije Bosne i Hercegovine.
4. Prilikom formiranja liste sa imenima zaposlenika iz istog preduzeća, a koji ostvaruju pravo po ponovljenom Javnom pozivu i Programu, prednost će imati zaposlenik sa ranijim datumom sticanja prava na penziju.

Napomena: svaki član komisije koja se formirana po ponovljenom Javnom pozivu će biti isključen iz postupka dodjele ukoliko se utvrdi da je u sukobu interesa u odnosu na podnosiocne prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava, federalno ministarstvo energije, rudarstva i industrije, odlučivati pojedinačno po svakoj prijavi.

V. SREDSTVA PREDVIĐENA ZA DODJELU GRANT SREDSTAVA

Sredstva za provođenje ponovljenog Javnog poziva i Programa utvrđena su u razdjelu 17., ekonomski kod 614 Budžeta Federacije Bosne i Hercegovine za 2018. godinu.

Navedena sredstva su grant sredstva Federalnog ministarstva energije rudarstva i industrije (u daljem tekstu: Ministarstvo) i dodjeljivati će se po raspisanom Javnom pozivu.

Budžetom Federacije Bosne i Hercegovine u 2018. godini, Federalnom ministarstvu energije, rudarstva i industrije, u Razdjelu 17. „Tekući transferi i drugi tekući rashodi - Subvencije privatnim preduzećima i poduzetnicima“ obezbijeđeno je ukupno sredstava u iznosu od 1.000.000,00 KM. Kako je Odlukom Vlade Federacije Bosne i Hercegovine o izboru korisnika dijela sredstava utvrđenih u razdjelu 17. Budžeta Federacije Bosne i Hercegovine za 2018. godinu Federalnom ministarstvu energije, rudarstva i industrije „Tekući transferi i drugi tekući rashodi - Subvencije privatnim preduzećima i poduzetnicima“ („Službene novine Federacije BiH“, broj 84/18) raspoređen iznos od 912.283,95 KM, to je po ponovljenom Javnom pozivu preostalo za raspodjelu 87.716,05 KM.

VI. TRAJANJE PROGRAMA

Program traje do utroška sredstava, a najkasnije do kraja fiskalne godine. Ponovljeni Javni poziv će biti otvoren 15 dana od dana zadnje objave.

VII. PROVOĐENJE PONOVLJENOG POZIVA

Zahtjev za prijavu na ponovljeni Javni poziv, potencijalni korisnici grant sredstava trebaju dostaviti uz slijedeću dokumentaciju:

- Spisak zaposlenika koji su ostvarili uslove za odlazak u penziju isključivo usaglašen sa podacima iz nadležne Porezne ispostave sa datumom sticanja tog prava (najkasnije do dana podnošenja zahtjeva) i iznosom duga po osnovu doprinosa za PIO/MIO, ovjeren i potpisan od strane nadležnog lica preduzeća i nadležne Porezne uprave,
- Aktuelni izvod iz sudskog registra (ne stariji od 30 dana),
- Statut ili odluka/akt o osnivanju,
- Uvjerenje o poreznoj registraciji kod Porezne uprave – ID broj,
- Uvjerenje o registraciji obveznika poreza na dodanu vrijednost – PDV broj,
- Obavjest nadležnog zavoda za statistiku o razvrstavanju prema djelatnosti,
- Lične karte i CIPS potvrde o prebivalištu lica ovlaštenih za zastupanje,
- Izjavu sačinjenu, ovjerenu i potpisanu od strane odgovornog lica preduzeća, kojom se preduzeće obavezuje da će po donošenju odluke od strane Vlade Federacije Bosne i Hercegovine o dodjeli sredstava, izvršiti uplatu ostalih zaostalih doprinosa (doprinos po osnovu zdravstvenog osiguranja i doprinos po osnovu osiguranja od nezaposlenosti) i to za zaposlenike za koje se traže grant sredstva,
- Spisak zaposlenika iz matične evidencije aktivnih osiguranika, izdat od strane nadležne službe ne stariji od 30 dana od dana podnošenja zahtjeva (min. 15 zaposlenika), osim za preduzeća u stečaju,
- Uvjerenje da se protiv odgovornog lica za zastupanje podnosioca zahtjeva, ne vodi krivični postupak i nije pravosnažno osuđen za prekršaj i/ili počinjenje krivičnog djela.

Napomena: Zahtjev za dodjelu grant sredstava može se preuzeti na web stranici Ministarstva (www.fmeri.gov.ba).

Svi traženi dokumenti trebaju biti originali ili ovjerene kopije ne starije od 30 dana od dana podnošenja zahtjeva za dodjelu grant sredstava.

VIII. PRIPREMA

Pismeni zahtjev za dodjelu grant sredstava sa potrebnom dokumentacijom po ponovljenom Javnom pozivu, uvezan i poredan po tačkama ponovljenog Javnog poziva, podnosi se Ministarstvu na memorandumu društva, potpisan od strane ovlaštenog lica sa naznakom iz kojeg se industrijskog sektora traže sredstva (Metalna, elektro i automobilska industrija; Industrija građevinskog materijala; Drvena, papirna i grafička industrija; Proizvodnja tekstila, kože i obuće; Hemijska industrija i industrije gume i plastike).

Zahtjev za dodjelu grant sredstava sa odgovarajućim priložima i dokumentacijom iz poglavlja VII. ponovljenog Javnog poziva, dostavljaju se preporučeno poštom ili lično u zapečaćenoj, neprovidnoj koverti na adresu: Federalno ministarstvo energije, rudarstva i industrije Mostar, Alekse Šantića b.b. 88 000 Mostar s naznakom: Ne otvarati – po ponovljenom Javnom pozivu za kandidovanje Programa utroška sredstava utvrđenih u razdjelu 17. Budžeta Federacije Bosne i Hercegovine za 2018. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije privatnim preduzećima i poduzetnicima“.

Na poleđini koverta obavezno navesti naziv podnosioca zahtjeva, adresu i kontakt telefon i ovjeriti pečatom.

Podnosilac zahtjeva može izmijeniti ili povući svoj zahtjev, a Federalno ministarstvo energije, rudarstva i industrije mora o tome biti obaviješteno u pisanoj formi. Izmjena ili povlačenje zahtjeva mora biti izvršena u skladu sa ovim poglavljem. Osim toga, na koverti u kojoj se nalazi obavještenje o izmjeni ili povlačenju zahtjeva treba pisati „IZMJENA ZAHTJEVA“ ili „POVLAČENJE ZAHTJEVA“.

Povrat dokumentacije se vrši isključivo na pismeni zahtjev podnosioca.

Odluke o izboru korisnika grant sredstava se objavljuju u „Službenim novinama Federacije BiH“.

Ovaj ponovljeni Javni poziv ostaje otvoren petnaest (15) dana od dana posljednjeg javnog objavljivanja, a objavit će se u „Službenim novinama Federacije BiH“ i dnevnim novinama „Dnevni avaz“ i „Večernji list“.

Neblagovremene prijave neće biti uzete u razmatranje.

Pitanja u vezi sa ponovljenim Javnim pozivom i Programom mogu se slati putem e-pošte na adresu kontakt osobe: amela.mikulic@fmeri.gov.ba

Detalji vezani za podnošenje zahtjeva, osim u ponovljenom Javnom pozivu, mogu se vidjeti i u Programu, objavljenom u „Službenim novinama Federacije BiH“, broj 23/18, kao i na službenoj internet stranici Federalnog ministarstva energije, rudarstva i industrije: www.fmeri.gov.ba